



VOKONYU MWIGULU KUTWULA

**Chahandikwa na
Watson Goodman**

Chavuzwa -- Kitagulizwa dave

VOKONYI KUTWULA MWIGULU

“VOKONYI KUTWULA MWIGULU” ni lubungitswa halala lie tsimbaso tsifanana kutwula mu tsimbega lugano na lugano mu Ivangeli. Mbeye ne lisuvira ligirunkanya lilahi lya luvaso ne Ivangeli yene.

Ling’ana lya Nyasaye litsanga “Kutwula Mwigulu” na liveye ligali no vokonyi ku myoyo jiveye ne inzara no buluhu vwo vulungi. Lwo mundu yeganiranga, yivilanga vwoni, yingiritsa Mwami Yesu Kristo komenya mu mwoyo gwigwe, kandi asuvira no mwoyo gwigwe gwosi ku Mwami Yesu Kristo kuli muhonyi, Mwami alamuvalikira na kuvika vuyanzi ne milembe mu mwoyo gwo usuvira. Yaga gakoleka ku inze muhiga wa 1937, ngiri koleka vuhambani no Mwami kuduka kalunu. Ngogonya weleke kuye kuli Muhonyi kandi Mwami wovo—KALUNU, niva ukiri kokola ndyo. —Watson Goodman

Obuyanzi bwa Nyasaye

Varomi 5.8

Navutswa Nyasaye a lang'ami-nya ubuyanzi bwibwe ku kwinye, kigira lwa kwa li avoni, Kristo ya ku kudzera.

Yohana 13.1

Imbiri welilia lyelipasaka, Yesu ya li na a manya inyinga yeye i duki yokutwula mu kivala yiki nokutsia ku Dada, ya mala kuyanza aveve ava li mu kivala, ya va yanza kuduka ku kiheri.

Likunula 1.5

Kandi gyi twulanga ku Yesu Kristo, u veye muloli musuvirifu, nowa tanga kwivulwa wavakudzu, nomunene wavami

velirova. Kuye u ku yanzanga, kandi ya ku boholola namasahi gege kutwula mu bwoni bwetu.

Yohana 3.16

Nyasaye ya yanza avomkivala ndi, ya va ha Mwana wewe muderwa, ku vosi u mu suuvira a ta diva mba, navutswa a ve nelivamwoyo li ta hera mba.

Jeremia 31.3

Yahova ya loleka ku inze ku matsyambiri, ni ya mbolera, Yee, nku yanzi nobuyanzi bwemihiga nemihiga: kigira yaga mali kukukwesa netsimbabasi tsyso ubuyanzi bwange.

Ubunyasaye bwa Yesu Kristo

I Timoteo 3.16

Kandi ni likuva li ta li nelihayahayidzwa, liviswa lyelihulira Nyasaye li veye linene; uyu ya lang'a-minywa mmubiri, nokuvolwa kuva mulungi mu roho, nokuloleka ku tsingelosi, nokwilwadzwa mu Tsihiri, nokusuuvirwa mu lifova, nokuvugulwa migulu mu bukumi.

Matayo 1.22, 23

Yaga gosi ga kolwa ndi, ga duke kukolwa ago Mwami ya vola nomunwa gwomprofeti, na a vola, benza, mkana mgima a la vereka, na a livula mwana muyai, na va gulike lieta lilye Immanueli; li veye

kuvola, Nyasaye a veye halala ne kwinye.

Yohana 14.9, 10

Yesu ya mu volera, Tsinyinga yitsi tsyosi mbeye halala ne mwinye, nive u ta manya inze, Filipu? u lola inze u loli Dada; kigira ki u vola, U ku mannye Dada? Si u suuvira inze mbeye mu Dada, na Dada a veye mu inze?

Yohana 1.1 na 14

Mu litanga ya li ho Inkuva, kandi Inkuva ya li ho halala na Nyasaye, kandi Inkuva ya li Nyasaye. . . . Inkuva ya gwa mubiri, na a menya halala nekwinye, . . . wizuye tsimbabasi nage-ligali.

Yesu, Mwana wa Nyasaye

I Yohana 4.15

Ku vosi u lyeyama Yesu no
Mwana wa Nyasaye, Nyasaye a
menya muye, naye mu Nyasaye.

Isaya 9.6

Kigira mwana wivuliywi kwi-
nye, ku hebeywi mwana tuyai; na
ubwami bu la va ku mavega gege:
lieta lilye a la gulikwa Wo-
bugenyi, Mboli, Nyasaye Mu-
nene, Dada we Mihiga nemihiga,
Munene we Mirembe.

Luka 1.35

Ingelosi ya tivula, na a mu vo-
lera, Roho Mutakatifu a ladza ku
ive, netsingulu tsya Uveye Igulu
Ligali tsi la ku kinga: kigira yaga

Kitakatifu yikyo ki livulwa ku ive
ki la langwa Mwana wa Nyasaye.

Vakolosai 2.9

Kigira ubudukiru bwosi Obwa-
nyasaye bu menya muye ku mu-
biri.

Matayo 8.29

Kandi henza, va hanzuka ni va
vola, Ku veye ndi nive, Yesu,
Mwana wa Nyasaye? udzi hano
kukukupidza kivi inyinga i kikiri
kuduka?

Matayo 17.5

Lwa ya vola ndi, henza, lilesi
lilavu lya va kinga, na mwoyo gu
twula mu lilesi, ni gu vola, Uyu nu
Mwana myanzi wange, wa nyan-
za; mu mu hulire.

Yesu akovolelanga aveye bwaha

Yohana 11.25

Yesu ya mu volera, Inze mbeye lisimuguka, kandi mbeye liva-mwoyo: u suuvira inze, kaliva na a kudza, a la va mwoyo.

Yohana 13.13

Mwinye mu nanga Mwegidzi, na Mwami: mu vola bulahi; kigira mbeye ndiyo.

Yesu ya va volera, Ligali, ligali, mmu volera, Abrahamu na a tivulwa, inze mbeye. —Yohana 8.58

Yohana 6.35

Yesu ya va volera, Inze nibwo ubukima bwelivamwoyo: uyu udza ku inze si a li lolola inzala mba, kandi u suuvira inze si a li lolola ubuluhu mihiga nemihiga.

Kandi ya va volera, Mwinye mu veye avahasi; Inze mbeye wigulu: Mwinye mu veye avomkivala yiki; inze si mbeye womkivala yiki.

—Yohana 8.23

Yohana 9.5

Lwa mbeye mu kivala, mbeye ubulavu bwavomkivala.

Yohana 10.7

Kunangwa Yesu ya va volera kandi, Ligali, ligali, Inze mbeye kiliango kyamagondi.

Yohana 4.25, 26

Mukali ya mu volera, Mmanya Mesia yadza (uyu a langwa Kristo): Iwa a duka a la ku volera vindu vyosi. Yesu ya mu volera, Inze wa ku volerana nive, niye.

Ya haana munwa viduma vikale hasi mu kiguti; na a vugula milango gyitano netsisudzi tsiviri, na a henza migulu, ya vi gasidza, na a megannya na a ha avegidzwi, navegidzwi va ha viduma. Va lagira vosi ni viguta: ni va vungidza amadonye aga tigala, vihindlikumi na viviri vi zuye. Navo va lagira va li tsielfu tsitano vasa-tsa vong'ine, bugira livalidza avakali navana. —Matayo 14.19-21

Luka 5.5, 6

Simoni ya tivula na a muvolera, Mwami, kwa li kukola miyinzi ubudiku pei, si kwa nyola kindu: navutswa kigira likuva lilyo nda vika imiluvo. Lwa va

mala kukola ndiyo, va nyola tsisudzi tsinyingi ligali; kandi miluvo gyavo gyenza kutanduka.

Henza, vaboku vaviri vikala ku luginga lwenzira, lwa va hulira Yesu a vitanga, va mwanira ni va vola, Mwami, mwana wa Daudi, u ku vererere.... Yesu ya va vere-rera na a dira ku tsimoni tsyavo; nonoho va nyola lilola ni va mu londa.

—Matayo 20.30 na 34

Matayo 21.19

Na a lola mkuyu ku inzira ha luvega, na a tsia kugwo, navutswa si ya nyola ku kindu mba, amatu geng'ine; na a gu volera, Ga ta va makuyu ku ive inyinga yosi. Nonoho mkuyu gwa niala.

Yesu Kristo aveye mulombi kandi Mwami

Vakolosai 1.16

Kigira vindu vyosi via lombekera muye, vyomigulu nevia hasi, vi lolekanga ne vi ta lolekanga, ni vi veye ho visako vyo bwami, kinga lyameha, kinga ubunene, kinga tsingulu; vindu vyosi via lomberwa mu uyu, kandi kigira mwene uyu.

Vahebraina 1.2

Nyasaye . . . kalunu mu madiku yaga, u voleye kwinye mu Mwana wewe, wa ya vika kuva wemiyandu gyevindu vyosi, kandi wa ya lomba naye tsinyinga tsyosi.

Varomi 14.9

Kigira Kristo ya kudza na simuguka kandi, a duke kuva

Mwami wetsing'ano tsyombi avakudzu kandi wa va veye mwoyo.

Yohana 1.3

Vindu vyosi via lombeka ku uyu; kandi bugira uyu si via lombeka kali kilala ku vyosi via lombeka.

Vikolwa 2.36

Kigira yaga avenyumba yosi ya Israeli va manye ligali, Nyasaye u mali kukola Yesu uyu wa mwa bamba, a ve Mwami kandi a ve Kristo.

I Vakorintho 1.9

Nyasaye a veye musuuvirifu, wagyira ni mu langwa nokuvikwa mu lisanga lyo Mwana wewe Yesu Kristo Mwami wetu.

Yesu Kristo aveye mukalagi wa vosi

Varomi 14.10

Navutswa ive kigira ki u kalagira amwavo wowo? kandi ive kigira ki u lega amwavo wowo? kigira vosi ku la singira imbirি wekisako kyekyina kya Nyasaye.

Matayo 25.32

Tsihiri tsyosi tsi la vuganywa imbirি wewe: naye a lahulanya tsindala ku tsindi kuli mwayi yahulanya magondi netsimbuli.

II Timoteo 4.1

Nku tsuva ligali imbirি wa Nyasaye kandi imbirি wa Kristo Yesu, u li kalagira ava veye mwoyo na-vakudzi, noku lilang'ama lilye noku bwami bwibwe.

Kigira Dada si a kalagira mun-du, navutswa u mali kuha Mwana likalaga lyosi. —Yohana 5.22

Varomi 2:16

Ku lidiku lya Nyasaye a li kalagira livisa lyavandu kuli ivangeli yange, mu Yesu Kristo.

Kandi ya ku laga kwilwadzire avandu, nokulolekidza uyu niye wa Nyasaye ya kola a ve Mukalagi wa va veye mwoyo na vakudzi. —Vikolwa 10.42

Luka 3.17

Kiseseru kikye ki veye mu mukono gwigwe, kulavidza ligali lodze lwilwe, kandi kutera ingano mu kideera; navutswa mukuudzi a la samba nomuliru gu ta simika.

Livohololwa liveye vutswa Mu Yesu

Vahebraina 5.9

Lwa ya kolwa mudukiru ya gwa mulombi wobuhonnyi bwemihiga nemihiga, ku vosi ava mu huliranga.

Vahebraina 7.25

Kigira yaga a nyala kuhonnya ligali yava avisunda ku Nyasaye kuvita ku uyu, kigira a veye mwoyo tsinyinga tsyosi kuvasaalira.

Vikolwa 4.12

Kandi si ha li nobuhonnyi ku wundi: kigira si ha li nelieta lindi muse mweligulu, lya hebwa mu vandu, li ku niga ku honnywe nalyo.

Yohana 10.9

Inze ni kiliango; mundu ni yingira ku inze, a la, honnywa, naye a lingira mugati kandi a twula kyova, kandi a la lola kyayo.

Yohana 14.6

Yesu ya mu volera, Inze niyo inzira, nageligali, nelivamwoyo: si ha veye nomundu u duka ku Dada, na a leki inze.

Yohana 8.24

Yiki ni kigira nda mu volera, Mula kudzera mu bwon'i bwenyu: ni i va mu vula kusuuvira inze niye, mu la kudzera mu bwon'i bwenyu.

Vakolosai 1.12-14

Nokusantidza Dada, wa ku kola ava dukana kunyola kidieli kyemiyandu gyavatakatifu mu bu lavu. Wa ku honnya nokukutwulidza mu tsingulu tsyekisundi, nokukwidikiridza mu bwami bwo Mwana wobuyanzi bwibwe; wa ku veye mu nobuhonnyi bwetu, nobusamehi bwobwoni bwetu.

Luka 19.10

Kigira Mwana wa Adamu yadza kwenya nokuhonnya kya gota.

I Vakorintho 1.30

Navutswa mwinye mu twulanga kuye mu Kristo Yesu, wa Nyasaye a kola kuva ubugeeri

bwetu, kandi ubulungi, nobukatifu, nobuhonnyi.

Tito 2.14

Wehaana kigira kwinye, a duke kutungira kwinye ku twule mu bwebaali bwosi, mwene ya siiya avandu va ve avandu veve mwene, avagulu ku miyinzi milahi.

Likunula 5.9

Kandi, vimba lwimbo luhya, ni va vola, u dukani kuvugula kitabu nokuboholola mihuri gakyoo: kigira wiitwa, nokugulira Nyasaye namasahi gogo avandu ku luhya lwosi, noku tsinimi tsyosi, noku vandu vosi, noku tsihiri tsyosi.

Uvhambani Mu Masahi ga Kristo

Varomi 5.9

Kunangwa ligali, ni ku mali kuhebwa ndi ubulungi kigira masahi gege, ku la hona ku butima bwa Nyasaye kigira iye.

Vaefeso 1.7

Muye ku nyoye libohololwa lyetu kigira masahi gege, lisame-fwa lyelihyola lyetu, kuli ubutugi bwetsimbabasi tsitsye.

I Petro 1.18, 19

Kigira mu manya mwa honnywa, si bwa li ku vindu vyone-kanga kuli ifetha kinga ithahabu, kutwula ku limenya lyenu lya vutswa lya mwa nyola ku vaguga venyu; navutswa ku masahi malahi kuli agomwana weligo-

ndi, u ta li nekindu kuye ki-damano, u ta li nembala, ga veye ga Kristo.

I Yohana 1.7

Navutswa ni ku genda mu bulavu kuli a veye mu bulavu, kwinye ku veye nelisanga avene na avene, kandi masahi ga Yesu Kristo Mwana wewe ga kwogidza ubwoni bwosi.

Vahebraina 9.14

Nasindi masahi ga Kristo ga duka ndi, wehaana ku Roho wemihiga nemihiga, bugira ki-ndu kuye, ni yeha Nyasaye, si ga la takasa myoyo gyenu kuleka miyinzi mikudzu kuduka kutu-mekira Nyasaye welivamwoyo?

Ovuhonyi Ku lisuuvira mu Kristo

11

Vaefeso 2.8, 9

Kigira mu honnyeywi netsimba-basi kigira lisuuvira; nalyo si lya twula ku mwinye avene, li ve耶 kihaanwa kya Nyasaye; si li ve耶 lyemiyinzi, mundu ku vosi a vule kwiidzominya.

Varomi 5.1

Kunangwa ku mali kulunge-kidzwa kigira lisuuvira, ku ve耶 nemirembe na Nyasaye kigira Mwami wetu Yesu Kristo.

Vagalatia 5:6

Kigira mu Kristo Yesu likevwa si li konya kindu, kinga livula kukevwa; navutswa lisuuvira li kolanga miyinzi kigira ubuyanzi.

I Yohana 5.4

Kigira ku vyosi kivulwa kut-wula ku Nyasaye ki guuta vyo-mkivala: yili ni liguuta lya guuta vyomkivala, lisuuvira lyetu.

Yohana 20.31

Navutswa yivi vi ng'odwa mu duke kusuuvira Yesu a ve耶 Kristo, Mwana wa Nyasaye; kandi ku lisuuvira lyenyu mu ve nelivamwoyo mu lieta lilye.

Yohana 6.28, 29

Kigira yaga va mu volera, Ku la kola ndi, ku duke kukola miyinzi gya Nyasaye? Yesu ya tivula na a va volera, Miyinzi gya Nyasaye ni yigyi, mwinye mu suuvire uyu wa ya tuma.

Tsimbabasi tsya Nyasaye

Zaburi 103.11

Kigira kuli mwigulu mu veye igulu ku lirova, tsimbabasi tsitsye tsi veye tsinene ndiyo ku yava ava mu tidzanga.

Zaburi 103.17

Na ha zana si ha li ki manya kandi mba. Navutswa tsimbabasi tsya Yahova kutwula mihiga nemihiga kuduka mihiga nemihiga tsi veye ku yavo ava mu tidzanga, na ubulungi bwibwe bu veye ku avana va avana vavo.

Lisyoma Lya Jeremia 3.22, 23

Ga veye ku tsimbabasi tsya Yahova tsi kiranga ni ku vula kuheridzwa, kigira tsimbabasi tsi-

tsye si tsi gehanga mba. Tsi veye tsimpya mugamba nomugamba busuuvirifu bubwo bu veye bu nene.

Mika 7.18

Ni bwaha a veye Nyasaye kuli ve, u samehanga ubudamano, na u vitanga ku mahyolo gavatigale vemiyan du gyigye? si ya vihirirwa madiku gosi, kigira a yanza tsimbabasi.

Tito 3.5

Si ku li ku miyinzi gyobulung gya kwa kola kwinye avene navutswa ya ku honnyira ku tsimbabasi tsitsye, nelyogidza lyelivulwa lihya nokukolwa ubuhya kigira Roho Mutakatifu.

Nyasaye yenya kwinye kutsa kuye

13

Matayo 11.28

Hambi ino mwinye mwosi ava nyankananga ku miyinzi midinyu nava minika, na inze nda mu sosis-dza.

Likunula 22.17

Kandi Roho nomwiha va vola, Hamba. Kandi uyu u huliranga a vole, Hamba. Kandi uyu u veye nobuluhu yadze: kandi uyu wenyanga a vugule vutswa amadzi gelivamwoyo.

Yohana 7.37

Ku lidiku lyekiheri, lidiku linene lyelilia, Yesu ya singira na a gamba, na a vola, Mundu na a

va na a veye nobuluhu, yadze ku inze a nwe.

Isaya 55.1

O, mwinye sa mulala u veye nobuluhu, hambi ku madzi, na u veye bugira ifetha; hambi, mu gule, mu lie; yee, hambi, mu gule iwaini namaveere bugira ifetha, na bugira buguli.

Isaya 1.18

Kalunu hambi, ku lombe makuba, Yahova a vola: kali ubwoni bwenyu ni bu va ni bu veye bwakanyu ligali, bu la va ubulavu ligali kuli likonza; ni bu va ni bu veye bwakanyu kuli kibaara bu la va kuli pamba.

Sivaveye avandu vosi avaveye va Nyasaye

I Yohana 3.10

Ku yaga avana va Nyasaye va loleka, na vana va Setani: ku vosi u ta kola ubulungi si a veye ku Nyasaye, kandi u vula kuyanza amwavo wewe.

Varomi 8.14, 15

Kigira ku vosi ava Roho wa Nyasaye yimirira, yava nivo avana va Nyasaye. Kigira si mwa vugula roho gwobutugwa gu duke kandi mu butii; navutswa mwa vugula roho gwelibugirirwa kuva avana va Nyasaye. Ku yigu, gwa kwanirira ku, Abba, Dada.

Vafilipi 2.15

Mu duke kuva avana va Nyasaye ava ta li nekindu kuvo,

kandi avobuhokya, ava ta li nem-bala mu makula makyamu nage-kirage aga mu lolekera mu kuva kuli avamulika mu lirova.

II Vakorintho 6.17,18

Kunangwa kigira yaga mu twuli hagati havo, mwahuleywi, Mwami a vola, mu ta dira kindu kidamano; na inze nda mu bugirira, kandi nda va Dada wenyu, na mwinye mu la va avana vange avayai navakana, Mwami Wa Nyala Vyosi a vola.

Yohana 1.12

Navutswa vosi ava mu bugi-rrira, ya ya haitsingulu kugwa avana va Nyasaye, va zana ava suuvira lieta lilye.

Aga Nyasaye avola kigira vyokunwa vilulu 15

Ubudamano bu ve ku yavo ava vukanga mabwebwe, va duke kulonda lihambika; ava hongerranga kuduka ubudiku hagati, iwaini i luhe yaakidze muliru muvo!

—Isaya 5.11

Vagalatia 5.19-21

Kunangwa miyinzi gyomubiri
gyi veye habulavu, nagyo: nama-
laya, nekifwabwi, nokutsia
mbakana, nokusigamira misa-
mbwa, nobukumu, nobusigu,
nelihing'ana, nembodoka, no-
butima, namahangali, nokwa-
vukana, nokwekala vidieli,
nelikendeka, nobuhambiki, nevi-
ndu vyoluyai, nevindu kuli yivi;
ku vindu yivi ntanga kumuvolera

kuli wa nda mu volera, yava ava kolanga vindu kuli yivi si va li nyola ubwami bwa Nyasaye.

Ku gende nobuhokya, kuli mbasu; si ga li mu bukinu nomu lihambika, kandi si ga li mu bu-
heyi nomu livolidza, si ga li mu mahangali nembodoka. Navut-
swa mwevike Mwami Yesu Kri-
sto, kandi mu ta lombera liva lyo-
mubiri lyokudukidza likayirwa
lyalyo mba. —Varomi 13.13, 14

Tsing'ano 23.31, 32

Ive u ta henza iwaini ni i veye inzakanyu, Iwa li lolekanga mu kikombe, Iwa li tulukanga inzaku:
ku kiheri i lumanga kuli inzoka,
nokusaleridza kuli kihirigoma.

Vusuvirifu si vudukanga mba

Matayo 22.37, 38

Naye ya mu volera, U yanze Mwami Nyasaye wowo nomwoyo gugwo gwosi, neliva mwoyo lilyo lyosi, nobugeeri bubwo bwosi. Yili ni lilago linene kandi lyambiri.

Marko 10.17-22

... Mwegidzi mulahi, nkola ndi nduke kunyola liva mwoyo li ta hera mba? Yesu ya mu volera, U ngtulikira ki mulahi? Si ha li navalahi, navutswa mulala weng'ine, Nyasaye. U manya malago, U tiita mba, U ta kola ubuheyi mba, U tiba mba, U ta gina mba, U ta ganga mba, Widzominye dada wowo na mama

wowo. Na a mu volera, Mwegidzi, vindu yivi vyosi nkola kutwula bwana bwoke. Yesu ya mu henza na a mu yanza, na a mu volera, U daki kindu kilala: tsia, u gule vindu vyosi vya u veye navyo, u he avadaka, na ive u la nyola akiba migulu: udze, u nonde. Navutswa mmoni mwimwe ya verera muno, lwa ya hulira amakuva yaga, ya tsia na a verera: kigira ya li na a veye nobutugi bunene.

Tsing'ano 16.25

I veye ho inzira i lolekanga ku mundu kuva inungi, navutswa kiheri kyayo ki veye tsinzira tsyelikudza.

Vaefeso 5.6

Mu ta leka mundu kali mulala a mu gade namakuva ga vutswa: kigira kyamakuva yaga ubutima bwa Nyasaye bu dukanga ku vana vobutingu.

Yakobo 1.22

Navutswa mu ve avakoli velikuva, mu ta va avahuliri vutswa navigadi avene.

I Vakorintho 6.9, 10

Naho si mu manya avadamano si va li nyola ubwami bwa Nyasaye? Mu ta gadwa: ava tsia mbakana, kinga ava londanga misambwa, kinga avaheyi, kinga ava gwa avakali, kinga vafiraji,

kinga avivi, kinga avakayirwa vyavene, kinga avahambiki, kinga avanyegi, kinga avanuuli, si va nyala kunyola ubwami bwa Nyasaye.

Vagalatia 6.3

Kigira mundu ni yeganagana a veye kindu inyinga ya a ta va kindu, yegada mwene.

I Yohana 3.7, 8

Avana vakekeke vange, mu ta leka mundu kali mulala a mu gotidze: uyu u kola ubulungi a veye mulungi, kuli mwene a veye mulungi: u kola ubwoni a twula ku Setani, kigira Setani a kola ubwoni kutwula mu litanga.

Ubwoni voletanga likutsa

Varomi 5.12

Kigira yaga, kuli ubwoni bwa duka mu lirova kigira mundu mulala, na ndiyo kandi likudza lya duka kigira ubwoni; kandi ndiyo likudza lya duka ku vanduvosi, kigira vosi voni.

Yakobo 1.15

Kandi likayirwa zana lwa li mala kuvereka livulanga ubwoni: nobwoni lwa bu mala kukula bu letanga likudza.

Mwoyo gwomundu gu kolanga ubwoni gu la kudza: umwana a la vula kuginga ubudamano bwa dada wewe, kandi dada a la vula kuginga ubudamano bwomwana wewe; ubulungi bwibwe bu la va

ku uyu wobulungi, nobudamano bwibwe bu la va ku uyu wobudamano.

—Ezekieli 18.20

Varomi 8.6

Kigira ligaganaga lyomubiri li ye ye likudza; navutswa ligaganaga lya Roho li ve ye lava-mwoyo, kandi li ve ye mirembe.

Navutswa nu bulahi ku kole isango kandi ku yanze; kigira uyu amwavo wowo ya li ya kudza, a ve ye mwoyo; kandi ya li ya gota, u nyoleki.

—Luka 15.32

Tsing'ano 11:19

Uyu u dinyanga mbulungi a la duka ku livamwoyo; na uyu u londanga ubukyamu, yehila mu likudza mwene.

Kristo yaguuta likutsa

19

Luka 7.14, 15

Yisunda himbi na a dira ku ludigi: navo ava lu ginga va singira. Naye ya mu volera, Muyai, nku volera, Vuka. Uyu mukudzu ya vuka ni yikala, na a tanga kuvola.

Yohana 11.43, 44

Kandi lwa ya mala kuvola ndi, ya langa nomwoyo munene, Lazaro, u twule. Naye wa li na a kudzi ya twula, na a boheywi amakono nevirenge netsingubo tsyekilindwa; kandi mu moni mwimwe na a boheywi nengubo. Yesu ya va volera, Mu mu boholole, a tsie.

Likunula 1.18

Na U-veye-Mwoyo; kandi na li mukudzu, kandi henza, mbeye mwoyo mihiga nemihiga, kandi mbeye netsifunguo tsyelikudza netsye Kihadisi.

Yohana 10.17, 18

Yiki ni kigira Dada a nyanza, kigira inze mbaana livamwoyo lyange nduke kuligumira kandi. Si ha veye nomundu u nyaga liva mwoyo, navutswa ndi haana inze mwene. Mbeye netsingulu kulihaana, kandi mbeye netsingulu kuligumira kandi. Lilago yili nda nyola ku Dada wange.

Amalago ga Nyasaye

Kwidzulitsa 5.7-21

U ta va na vanyasaye vandi
imbiri wange mba.

U telombera kifwananyi kya
vadzwa, kinga lifwana lyekindu
ku vyosi vi veye mu ligulu, kinga
muse mu lirova, kinga ki veye mu
madzi musi mwelirova: u ta vi
sigamira mba, kinga u ta vi
tumekira mba

U ta tala vutswa lieta lya
Yahova Nyasaye wowo: kigira
Yahova si a la vula kulola
mahyolo ku uyu u talanga vutswa
lieta lilye.

U gumire lidiku lyelisabato,
kulitakasa, kuli Yahova Nyasaye
wowo ya ku laga. Madiku gatano

na lilala u yinzire, u kole miyinzi
gyigyo gyosi

Widzominye dada wovo na
mama wovo, kuli Yahova
Nyasaye wovo ya ku laga

U tiita mba.

Kandi u ta heya mba.

Kandi u tiba mba.

Kandi u ta gina wakyo mba.

Kandi u ta kayirwa mukali
womtende mba, kandi u ta kayir-
wa inyumba yomtende mba; kan-
di mulimi gwigwe, kandi mu-
tugwa wewe muyai, kinga muka-
na, kinga ing'ombe yeye, kinga
isukiri yeye, kinga kindu ku vy-
osi kyo wakyo a veye nakyo.

Vahebraina 4.13

Kandi si ha li nekilombe ki ta li habulavu imbiri wewe: navutswa vindu vyosi vi veye kyahonyo nokulang'aminywa imbiri wetsimoni tsya uyu wa ku veye ku namakuva.

Zaburi 139.8 na 12

Ni mba ni nina migulu, ive u veye yo: ni mba ni nomba kitali kyange mu Kihadisi, henza, u veye yo.... Kali kisundi si ki nyala kuvisa ku ive.

Jeremia 23.24

Ku vosi mundu a nyala kwivisa mbwivisi mbula kumulola? Yahova a vola. Si ndizula ligulu nelirova? Yahova a vola.

Tsing'ano 15.3

Tsimoni tsya Yahova tsi veye hosi, a lolanga madamano na malahi.

Luka 8.17

Kigira si ha veye nekindu kya viswa ki li vula kulang'aminywa; kandi si ha li nekyaviswa ki li vula kumanyekana, nokuloleka habulavu.

Ayubu 34.21, 22

Kigira tsimoni tsitsye tsi veye ku tsinzira tsyomundu, na a lolanga ligenda lilye lyosi. Si ha veye nekisundi kinga kiriri kyelikudza, ha va nyolanga lyevisa, yavo ava kolanga ubukyamu.

Likuba kivi che Mihiga ne Mihiga ku yava avavula kutia Nyasaye

Matayo 13.41, 42

Mwana wa Adamu a la tuma tsingelosi veve, navo va la vungidza mu bwami bwibwe vindu vyosi vikigitalidza, navo ava kola ubwoni, va va te mu kisambiru: li la va ho lilira nokudyedyeidza amino.

Matayo 18.8

Kandi mkono gugwo kinga kirenge kikyo ni vi kwikigitalidza, u vi kalage, u vi te hale: ubulahi bwokwingira mu liva mwoyo u leema mkono kinga kirenge, bu vita kuva namakono gaviri kinga virenge viviri nive u sikiswe mu muliru gwemihiga nemihiga.

II Petro 3.7

Navutswa ligulu li veye ho kalunu, nelirova, kigira likuva zana li vikeywi kuduka mu muliru, li lindangwa kuduka ku lidiku lyelikalaga nokulividzwa lyavandu ava vula kutia Nyasaye.

Zaburi 9.17

Avadamano va lirannywa mu Kihadisi, kali tsihiri tsyosi tsvirira Nyasaye.

Yava va la tsia mu kivi ki ta hera mba: navutswa avalungi va la tsia mu liva mwoyo li ta hera mba.

—Matayo 25.46

Likalaga liveye imbiri

Vikolwa 17.31

Kigira u mali kulaga lidiku lyokukalagira avomkivala nobulungi, Ku mundu wa ya tovola; naye ya ha vandu vosi kisuuviri kulyo kigira u mali kumusimugukidza mu vakudzi.

II Petro 2.9

Mwami a manya inzira yokuvhonnya mu ligeridzwa ava mu tia, nokuvika avadamano mu kivi kuduka ku lidiku lyelikalaga.

I Yohana 4.17

Ku yaga ubuyanzi bu dukidzeywi ku kwinye, ku duke kunyola ubuluviriri mu lidiku lyokukalaga; kigira kuli a veye,

kandi kwinye ku veye ndiyo mu lirova yili.

Vahebraina 9.27

Kandi kuli avandu va vikirwa likudza inyinga indala, kandi inyima li la duka likalagirwa.

II Vakorintho 5.10

Kigira ga ku dukira kwinye kwosi kulang'aminywa imbiri wekisako kyelikalaga kya Kristo; ku vosi sa mulala a hebwe kuli kya ya kola ku mubiri, kuli ga ya kola, ni ki va kilahi kinga kidamano.

Varomi 14.12

Kunangwa kwinye kwosi sa mulala alevolera amakuva gege mwene imbiri wa Nyasaye.

Tsimbavasi tsya Yesu Kristo

Varomi 5.15

Navutswa kihaanwa si ki veye kuli lihyola lya li. Kigira avanyingi ni va kudza ndi ku lihyola lyomulala, ligali kuvita tsimbabasi tsya Nyasaye nekihaanwa mu tsimbabasi tsyomundu mulla, Yesu Kristo, ki la kira ku vanyingi;

Varomi 9.16

Kunangwa si ga li ga uyu wenza, kinga ga uyu u nyagula, navutswa aga Nyasaye u vereera.

I Petro 5.5

... kigira Nyasaye a hingiranga avikingiri, navutswa avegehidzi a va hedzanga tsimbabasi.

Vikolwa 4.33

Navatumwa va twulidza netsingulu tsinene lilolekidza lyavo lyelisimuguka lye Mwami Yesu: kandi tsimbabasi tsinene tsya li kuvo vosi.

II Vakorintho 9.15

Nyasaye a santidzwe kigira kihaanwa kikye ki vula kuvolwa kyosi.

II Vakorintho 8.9

Kigira mu manya tsimbabasi tsyo Mwami wetu Yesu Kristo, kali ya li mutugi ya gwa mudaka kigira mwinye, mwinye mu duke kuva avatugi kigira ubudaka bwibwe.

Vikolwa 17.30

Tsinyinga tsyobusiru Nyasaye si ya tsi henza; navutswa kalunu u mali kulaga avandu vosi, hosi ha va veye, veganire.

Luka 13.3

Inze mmu volera, Si ga li ndiyo: navutswa ni mu teganira, mwinye vosi mu la kudza ndiyo.

Kigira yiki Mweganire, mwinrane, ubwoni bwenyu bu twulidzwe, tsi nyole kudza tsinyinga tsyokusosidza tsi twula imbir wo Mwami.

—Vikolwa 3.19

Vikolwa 2.38

Petro ya va volera, Mweganire, mu batidzwe mwosi mu lieta lya Yesu Kristo, mu nyole ubusamehi

bwobwoni bwenyu; kandi mu la vugula kihaanwa kya Roho Mutakatifu.

Matayo 3.2

Mweganire; kigira ubwami bwo-migulu bu veye himbi.

II Vakorintho 7.10

Kigira liverera lyokuyeka ku Nyasaye li kola lyeganira kuduka ku lihonnywa, kigira li veye lyeganira li ta veye neliverera: navutswa liverera lyomukivala li leta likudza.

Tsing'ano 28.13

Uyu u kunikanga mahyolo gege si a la gasidzwa; navutswa ku vosi uyu weyamanga nokugaleka a la verererwa.

Lisamefwa Lyo bwoni

Matayo 6.14

Kigira mwinye ni mu sameha vandu mahyolo gavo, Dada wenyu womigulu a la mu sameha.

Ezekieli 18.21

Navutswa mudamano ni yegamira nokuleka ubwoni bwibwe bwosi bwa ya kola, nokugumira amalago gange gosi, nokukola aga dukana nobulungi, ligali uyu a la hindira, a la vula kukudza.

Likunula 3.20

Henza, nsingiye ha kiliango nzigulihidzanga: mundu ku vosi na a va na a hulira mwoyo gwange nokunzigulira kiliango, ndingira ha a veye, kandi nda lia halala naye, naye halala na inze.

Isaya 55.7

Mudamano a leke inzira yeye, nomundu u ta li mulungi a leke tsiganagani tsitsye; yirane ku Yahova, naye a la mbererera; yirane ku Nyasaye wetu, naye a la mu sameha ligali.

Vikolwa 5.31

Uyu Nyasaye u mali kumukuminya nomukono gwigwe mulungi a ve Mwami no Muhonnyi, a duke kuha Israeli lyeganira nobusamehi bwobwoni.

Marko 2.5

Yesu lwa ya lola lisuuvira lyavo, ya volera wa fwogoya, Mwana wange, ubwoni bùbwo bu sameheywi.

Kigira tsimbabasi tsya Nyasaye tsi mali kuloleka, tsi letanga ubuhonnyi ku vandu vosi, nokwegidza kwinye, kuduka kwinye kwambakane ubudamano nelikayirwa lyevyelirova, ku menye nobugeeri obwere, nobulungi nelitibwa, lya Nyasaye mu inyinga yiyi.

—Tito 2.11, 12

Mu ganagane ligali vindu vi veye igulu, mu ta ganagana vindu vya hasi.

—Vakolosai 3.2

I Yohana 2.15, 16

Mu ta yanza kivala, kinga vindu vyomkivala. Mundu na a va na a yanza kivala, ubuyanzi bwa Dada si bu veye muye. Kigira vyosi vi veye mu kivala, likayirwa

lyomubiri, nelikayirwa lyetsimoni, noluyai lwomwoyo, si li veye lya Dada, navutswa lyomkivala.

Vae feso 5.11

Kandi mu ta va nelisanga nemiyinzi gyekisundi gyi tivanga, navutswa nubulahi mu gyi kyaye.

Isaya 1.16

Mweyogidze, mwetakase; mu twulidze ubudamano bwelikola lyenyu imbiri wetsimoni tsyange; mu leke kukola ubudamano.

Yakobo 4.4

Avobuheyi, si mu manya ubulina bwevyelirova bu veye ubusigu ku Nyasaye? Uyu wenya kuva mulina vevyelirova yekolanga musigu wa Nyasaye.

Livulwa lihya

Ezekieli 36.26

Kandi nda mu ha mwoyo muhyia, na nda vika mu mwinye roho muhyia; nda twulidza umwoyo gweligina gu veye mu mubiri gwenyu, na nda mu ha mwoyo gwenyama.

I Yohana 2.29

Ni mu manya a veye mulungi, mu manya kandi ku vosi u kolanga ubulungi yivulwa kutwula kuye.

II Vakorintho 5.17

Kunangwa ku vosi mundu na a veye mu Kristo a veye kilombe kihya: vindu vyosi vya kale vi viti; henza, vindu vyosi vi gwiye vihya.

I Petro 1.23

Mwivuywi hali kaviri, si li veye ku tsinzoli tsyonekanga, navutswa ku tsi toneka, ku likuva lya Nyasaye, li veye mwoyo nokuhindira.

Yohana 3.3

Yesu ya tivula na a mu volera, Ligali, ligali, nku volera, Mundu na a tivulwa livulwa lyomigulu, si a nyala kulola ubwami bwa Nyasaye.

I Yohana 5.18

Ku manya, ku vosi wivulwa kutwula ku Nyasaye si a kola ubwoni; navutswa wivulwa ku twula ku Nyasaye yelinda, na mudamano si a mu dira mba.

Vaefeso 2.1 na 6

Kandi mwinye, lwa mwa li avakudzu kigira lihyola lyenu nobwoni bwenyu, . . . kandi ya ku simugukidza halala naye, nokukwikalidza halala naye mu vyomigulu mu Kristo Yesu.

Vakolosai 3.1

Kunangwa ni mu va ni mwa simugukidzwa halala na Kristo, mwenye vindu vi veye igulu, ha Kristo a veye, wikaye ha mukono mulungi gwa Nyasaye.

I Petro 2.24

Mwene ya ginga ubwoni bwetu mu mubiri gwigwe ku musala, kuduka kwinye ku mali kukudza

ku bwoni, ku ve mwoyo ku bulungi; wa mwa honnyirwa ku likuywa lilye.

Varomi 6.2 na 11

Kwinye kwa gwa avakudzu ku bwoni, ku nyala ndi kumenya mubwo? . . . Kandi mwinye ndiyo mwevalidza mwinye avene mu veye ava gwiye avakudzu ku bwoni, navutswa mu veye ava veye mwoyo ku Nyasaye mu Kristo Yesu.

Vagalatia 5.24

Kandi yava ava veye va Kristo Yesu va mali kubambwa mubiri halala nelyegombwa lyagwo tida-mano nelikayirwa lyagwo.

Livamwoyo lye Mihiga ne Mihiga

Yohana 3.14, 15

Kandi kuli Musa ya ginga inzoka mwigendanyama, kandi Mwana wa Adamu a la gingwa ndiyo; ku vandu vosi u mu suuvira a ta diva mba, a duke kuva nelivamwoyo li ta hera muye.

Yohana 17.3

Kandi livamwoyo li ta hera mba ni yili, va duke kumanya ive, Nyasaye weligali weng'ine, na uyu wa wa tuma, Yesu Kristo.

Yohana 3.36

U suuvira Mwana a veye nelivamwoyo li ta hera mba; navutswa uyu u ta tia Mwana si a li

lola livamwoyo, navutswa ubutima bwa Nyasaye bu menya kuye.

Varomi 6.23

Kigira madanyi gobwoni ni likudza; navutswa kihaanwa kya Nyasaye ki veye livamwoyo lye-mihiga nemihiga mu Kristo Yesu Mwami wetu.

Yohana 5.24

Ligali, ligali, mmu volera, U hulira likuva lyange, na a suuvire wa ntuma, a veye nelivamwoyo li ta hera mba, kandi si a li nyala kwingira mu likalagirwa, navutswa u thali kutwula mu likudza kuduka mu livamwoyo.

Yohana 14.21

Uyu u veye namalago gange, na a ga gumira, uyu niye u nyanza: naye u nyanza, Dada wange a la mu yanza na inze nda mu yanza, kandi inze nda mu vuulikira.

Avana vakekeke, ku ta yanza mu likuva, kinga nolulimi; navutswa mu likola nomu ageligali. Na ndiyo ku la manya kwinye ku veye ku ageligali, kandi ku la luviridza mwoyo gwetu imbiri wewe.
—I Yohana 3.18, 19

Vagalatia 4.6

Kandi kigira mu veye avana, Nyasaye ya tuma Roho wo Mwana wewe yingire mu myoyo gyetu nokulira, Abba, Dada.

Varomi 8.16

Roho mwene a lolekidza halala na roho gyetu ku veye avana va Nyasaye.

Isaya 32.17

Na miyinzi gyobulungi gyi la va mirembe; nelikola lyobulungi li la va bwehodzeridzi nelisuuvira mihiga nemihiga.

I Yohana 4.13

Ku yaga ku manya ku menya muye, naye mu kwinye, kigira u mali kukuha ku Roho wewe.

I Yohana 3.24

Kandi u gumira amalago gege a menyanga muye, naye muye. Ku yaga ku manya u menyanga mu kwinye, ku Roho wa ya ku ha.

Kristo mu Mwoyo ahana vuyanzi

Yohana 17.13

Navutswa kalunu ndadza ku
ive; na yaga mbolera mu lirova,
va duke kuva nobuyanzi bwange
bwizule muvo.

Varomi 14.17

Kigira ubwami bwa Nyasaye si
bu veye kulia nokunwa, navutswa
bu veye ubulungi nemirembe no-
buyanzi mu Roho Mutakatifu.

Vagalatia 2.20

Nda bambwa halala na Kristo;
kandi si a li inze mwene u veye
mwoyo, ni Kristo u veye mwoyo
mu inze: nelivamwoyo lya mbeye
nalyo mu mubiri, yili mbeye nalyo
mu lisuuvira li veye ku Mwana wa

Nyasaye, wa yanza inze, kandi
yehaana kigira inze.

Isaya 12.3

Kunangwa kigira yaga mwinye
mu la daha amadzi nobuyanzi mu
vidaho vyelihonywa.

Yohana 15.11

Yaga mmali kumuvolera, ubu-
yanzi bwange bu duke kuva mu
mwinye, kandi ubuyanzi bwenyu
bu duke kuduka.

Zaburi 16.11

U la mmannya inzira yeliva-
mwoyo: imbiri wa ive ha veye no-
busangali budukiru; mu mukono
gugwo mulungi ha veye nobuyan-
zi mihiga nemihiga.

I Samweli 12.15

Navutswa ni mu va ni mu vula kuhulira mwoyo gwa Yahova, navutswa mu tinguha lilaga lya Yahova, hene yaho mukono gwa Yahova gu la va ku mwinye, kuli gwa li ku vaguga venyu.

Kigira si va li ava huliranga lilaga ava veye nobulungi imbiri wa Nyasaye, navutswa yavo ava kolanga lilaga nivo ava li volwa va veye nobulungi. —Varomi 2.13

II Vatesalonike 1.7-9

Navutswa mwinye ava kupidzwa kivi li la va lyelemereridza halala nekwinye, mu lilang'aminywa lyo Mwami Yesu kutwula migulu halala netsingelosi ave-

tsingulu tsitsye mu muliru gwetsimemo, a la va tunga kisalya ava vula kumanya Nyasaye, nokuvula kuhulira ivangeli yo Mwami wetu Yesu: ava li hebwa amageli, nago ga veye lidividzwa mihiga nemihiga kutwula imbiri wo Mwami, kandi kutwula mu bukumi bwetsingulu tsitsye.

Kwidzulitsa 11.26-28

Henza, lero mbika imbiri wenyu ubugasu nevilaamo: ubugasu bu ve ho, ni mu va ni mu hulira malago ga Yahova Nyasaye wenyu, ga mmu laganga lero; nevilaamo vi ve ho ni mu va ni mu vula kuhulira malago ga Yahova Nyasaye wenyu.

Lyeyama Kristo Lyenyekananga

Vafilipi 2.11

Kandi tsinimi tsyosi tsi duke kweyama Yesu Kristo a veye Mwami, kuduka ku bukumi bwa Nyasaye Dada.

Matayo 10.32, 33

Uyu u nziyamira imbiri wavandu, inze kandi nda mwiyamira imbiri wa Dada wange u veye migulu. Ku vosi uyu u li nyambakana imbiri wavandu, ndi mwambakanira imbiri wa Dada wange u veye migulu.

Varomi 10.9, 10

Kigira nu u va nu weyama nomunwa Yesu a veye Mwami,

nokusuuvira mu mwoyo gugwo Nyasaye ya mu twulidza mu vakudzu u la honnywa. Kigira mundu a suuvira nomwoyo a duke ku bulungi; ni ye yama nomunwa a duke ku buhonnyi.

I Yohana 2.23

Ku vosi wambakana Mwana, uyu si a veye na Dada: uyu weyama Mwana a veye na Dada kandi.

Luka 9.26

Kigira ku vosi u li mbera tsisoni na makuva gange, naye Mwana wa Adamu a la mu vera tsisoni lwa a lidza mu bukumi bwibwe mwene, nobwa Dada wewe, nobwetsingelosi avatakatifu.

I Petro 5.8

Mu ve nobugeeri, mu linde:
kigira musigu wenyu kuli king'-
ang'a ki fwumanga, a tsitsanga
yiyi neyiyi ni yenya wa a nyala
kumira.

Matayo 4.1 na 10, 11

Hene yaho Roho ya hila Yesu
mwigendanyama. Setani a mu
geridze. . . Ma Yesu ya mbolera,
Twula hano, Setani: kigira ga
ng'odeywi, U la sigamira Mwani
Nyasaye wowo, kandi u la tu-
mekira uyu weng'ine. Ma Setani
ya mu leka; kandi henza, tsi-
ngelosi vadza ni va mu tume-
kira.

II Vatesalonike 2.9

Mudialu uyu welidza lilye li
veye kuli likola lya Setani mu tsin-
gulu tsyosi, nevilolekidzu ne-
vyokugenna vyobubehi.

Vaefeso 6.11

Mwevike vyuma vyosi vya
Nyasaye, mu nyale kusingira ku
bugadi bwa Setani.

Vikolwa 26.18

Kuvakunula tsimoni tsyavo, va
twule mu kisundi va yeke ku
bulavu, kandi va twule ku tsin-
gulu tsya Setani va yeke ku
Nyasaye, ni va nyola lisamefwa
lyobwoni va vugule miyandu ha-
lala navo ava takaswa nelisuuvi-
ra li veye mu inze.

Ligutwa lya Setani

II Vatesalonike 2.8

Hene yaho mudialu a la lang'a-minywa, wo Mwami Yesu a liita nomwika gwomunwa gwigwe, nokumudividza nelilang'aminywa lyelidza lilye.

Yakobo 4.7, 8

Kunangwa mwegehidzire Nyasaye; navutswa mu hingire Setani, naye a la mwiruka. Mwisunde himbi ku Nyasaye, naye a lisunda himbi ku mwinye. . . .

Vahebraina 2.14

Kunangwa kigira avana veye avasangi mu masahi ne-nyama, kandi mwene ndiyo ya vugula ku vya zana; ku likudza a duke kwononnya uyu u veye ne-

tsingulu tsyelikudza, naye a veye Setani.

Varomi 8.35 na 37

Ibwaha a la kwavukanya ku nobuyanzi bwa Kristo? kivi, naho ubusaliri, naho lidambidzwa, naho inzala, naho chahonyo, naho ubuhimwa, naho kivavi? . . . Navutswa ku vindu yivi vyosi ku kira kuva avaguuti, kigira uyu wa ku yanza.

I Yohana 3.8

U kola ubwoni a twula ku Setani, kigira Setani a kola ubwoni kutwula mu litanga. Mwana wa Nyasaye ya lolekidzwa kigira yago, kwononnya miyinzi gya Setani.

I Yohana 4.20

Mundu na a vola, Nyanza Nyasaye, kandi a dunyira amitu wewe, nomubehi: kigira a vula kuyanza amwavo wewe wa ya lola, a nyala ndi kuyanza Nyasaye wa a ta lola?

I Vakorintho 13.1

Ni mba ni mbola netsinimi tsyavandu netsyetsingelosi, ni nta veye nobuyanzi, mbeye mugasa gu langiriranga, kinga kuli vikuli vi salanga.

Yohana 13.35

Ku yaga avandu vosi va la mu manya mwinye mu veye avegidzi wi vange, ni mba mu yanzana.

Vagalatia 5.22, 23

Navutswa likuyu lya Roho li veye ubuyanzi, nobusangali, nemirembe, nobwikudziri, netsimbabasi, nobulungi, nobusuuvirifu, nobuhokya, nokwelinda

Yohana 21.16

Ya mu volera kandi hali kaviri, Simoni wa Jona, u nyanza? Ya mu volera, Yee, Mwami; ive u manya nku yanza. Ya mu volera, Waye magondi gange.

I Yohana 3.14

Ku manya kwinye ku mali kutwula mu likudza kwingira mu livamwoyo, kigira ku yanza avamitu. U ta yanza a menya mu likudza.

Lisimuguka lya Yesu Kristo

Varomi 4.25

Wa haanwa kigira lihyola lyetu,
kandi ya simugukidzwa kigira
lilungekidzwa lyetu.

Vikolwa 10.39-41

Kandi kwinye ku veye avalolekidzi vamakuva gosi ga ya kola mu kivala kye Buyuda nomu Yerusalem; naye niye wa viita ni va mu sunga ku musala. Uyu Nyasaye ya mu simugukidza ku lidiku lya kola kavaka, na a mu lolekidza habulavu, si ya mu lolekidza ku vandu vosi navutswa ku valolekidzi ava Nyasaye ya tangatutu kutovola, ku kwinye, va kwa lagira ni ku nwa naye inyima

yelisimuguka lilye kutwula mu vakudzi.

Yohana 20.26-28

Inyima ya madiku gatanu na gavaka, kandi avegidzwi veve vali mu inyumba, kandi Tomasi ya li halala navo. Viliango ni vi mali kuhanwa, Yesu yadza na a singira hagati, na a vola, Mirembe ku mwinye. Maku ya volera Tomasi, Leta kidete kikyo u lole makono gange, kandi u lete mukono u hambe mu tsimbalu tsyange: u tavula kusuuvira, navutswa, u suuvire. Tomasi ya mu tivula, na a mu volera, Mwami wange, kandi Nyasaye wange.

Kutwula inyinga yeo Yesu ya tanga kumannya avegidzwi veve ga mu dukira kutsia Yerusalem, kandi avakulundu, navasalisi vanene, navang'odi va la mu kupinda kivi nokumwiita, kandi ku lidiku li kola gavaka a la simugukidzwa.

—Matayo 16.21

Yohana 5.25 na 28, 29

Ligali, ligali, mmu volera, Isaa yidza, nayo i mali kuduka yavakudzi va la hulira mwoyo gwo Mwana wa Nyasaye; kandi ava hulira va la duka kuva mwyo. . . . Mu ta genya ku yaga: kigira isaa yidza ya yavo vosi va veye mu vilindwa va la hulira mwoyo gwigwe, ma va twule mu;

yavo va kola bulahi va duke ku lisimuguka lyelivamwoyo; navo ava kola ubudamano va duke ku lisimuguka lyelikalagirwa.

Si mu manya kwinye kwosi ava kwa batidzwa mu Yesu Kristo kwa batidzwa mu likudza lilye? Kunangwa kwa tebwa halala naye ku libatidzwa mu likudza: kuli Kristo ya simugukidzwa nobukumi bwa Dada kutwula mu vakudzu, kandi kwinye ku nyale kugenda mu buhya bwelivamwoyo. Kigira ni ku va ni kwung'anywa naye mu lugano lwelikudza lilye, kandi ndiyo ku lung'anywa naye mu lugano lwelismugu ka lilye.  Varomi 6.3-5

Vutakatifu Ku Mwami

Luka 1.74, 75

Nokukuha ku honnywe ku twule mu makono gavasigu vetu, ku nyale kumutumekira bugira ubutii, mu butakatifu nobulungi imbiři wewe madiku getu gosi.

II Vakorintho 7.1

Kunangwa kigira ku veye nelisuuviridza yili, avayanze vange, kwelombe kutwula ku ubudamano bwosi bwomubiri nobwomwoyo, mudukidze ubutakatifu mu ubutii bwa Nyasaye.

I Petro 1.15

Navutswa kuli uyu wa mu langa a veye mutakatifu, kandi mwinye mu ve avatakatifu mu vindu vyosi mu liva lyenyu lyosi.

II Timoteo 2.21

Kunangwa mundu ni yetakasa nokweleha yivi, a la va kiju kyelidzominywa, ki takaseywi, ki dukana nemiyinzi gyo Mwami, ki lombeywi ku miyinzi gyosi milahi.

Kuli litanga kumanya lya Nyasaye Dada, mu litakasa lya Roho, ku lihulira noku lyuhirwa masahi ga Yesu Kristo: Tsimbabasi tsi ve ku mwinye, nemirembe gyi medeke. —I Petro 1.2

II Timoteo 2.15

Wedinyiridze kwevika mu libugirirwa imbirí wa Nyasaye, mukoli wemiyinzi u vula kulégan-nywa, u tumekiranga bulungi likuva lyageligali.

Vutakatifu Ku Mwami

Isaya 35.8

Na ha zana ha la va lihasi, nenzira, na i la langwa Inzira yobutakatifu; ava ta li avanifu si va ligenda kuyo; navutswa i la va ya yavo: avandu volugendo, kali ni va veye avasiru, si va li hyoleru kuyo.

Vahebraina 13.12

Kigira yaga Yesu kandi, a duke kutakasa avandu kigira masahi gege, ya salirira kyova wolugaga.

Matayo 3.11

Ligali inze mmu batidza mmadzi mu duke kweganira; navutswa u nonderera a veyé netsingulu kuvita inze, vilatu vivye si ndukana kumugingira: uyu a la

mu batidza mu Roho Mtakatifu nomu muliru.

I Yohana 1.9

Ni kweyama ubwoni bwetu, a veye musuuviridzi kandi a veye mulungi kuduka kusameha ubwoni bwetu, nokukwogidza vyosi vi ta li ubulungi.

Vaefeso 1.4

Kuli wa ya ku tovola muye inyinga lirova li kikiri kulombwa muse, kwinye ku ve avatakatifu ava ta li nekindu kuvo imbiri wewe mu buyanzi.

Mwevike mundu muhya wa lombwa ku lugano lwa Nyasaye mu bulungi nomu butakatifu bwageligali. —Vaefeso 4.24

Avandu vizulwa Mu Roho

Luka 11.13

Mwinye ava veye avadamano, ni mu manya kuha avana venyu vihaanwa vilahi, na si ndi Dada wenyu u veye migulu a la vitira kuli ha kuhaana Roho Mutakatifu kuvo ava mu saala?

Vikolwa 1.8

Navutswa mwinye mu la nyola tsingulu lwa Roho Mutakatifu a lidza ku mwinye

Varomi 8.9

Navutswa mwinye si mu veye mu mubiri, navutswa mu Roho, Roho wa Nyasaye na a va na a menya mu mwinye. Navutswa ku vosi u ta veye na Roho wa Kristo si a li wewe mba.

Ezekieli 36.27

Na nda vika Roho wange mu mwinye, na nda mu gendidza mu amalago gange, na mu la gumira miima gyange nokugyikola.

Vikolwa 13.52

Kandi avegidzwi vizula ubuyanzi na Roho Mutakatifu.

Lwa va mala kusaala, ha va vuganira ha degeridzwa; navo vizula Roho Mutakatifu vosi, ni va vola likuva lya Nyasaye nobluviriri.

—Vikolwa 4.31

Vikolwa 11.24

Kigira ya li mundu mulahi ni wizula Roho Mutakatifu nelisuvira: navandu vanyingi va dasika ku luvega lwo Mwami.

Zaburi 34.18

Yahova a veye himbi kuvo ava vuniki mwoyo, na a honnyanga yavo ava miniki roho.

Isaya 66.2

Kigira makono gange ga lombi vindu yivi vyosi, ni ndiyo vya li ho vindu yivi vyosi, Yahova a vola: navutswa nda henza ku mundu uyu, yee, uyu u veye mudaka na womwoyo, gwelyegana, welidegera kigira likuva lyange.

Likunula 21.4

Kandi a leya vosi sa mulala amaliga mu tsimoni tsyavo; nelikudza si li la va ho kandi; kandi

lisyoma, nelilira, nobusaliri, si vi la va ho kandi: vindu vyokutanga vi mali kuvita.

Zaburi 37.3

U suuvire Yahova, na u kole bulahi; u menye mu kivala, na u lie ubusuuvirifu bwibwe.

I Petro 4.12, 13

Avayanze, mu ta genya ku ligridza lyomuliru li mu geridza li veye hagati henukumugeridza, kuli kindu kigeni kya mu gwira: navutswa kuli mu veye avasangi mu busaliri bwa Kristo, mu sangale; mu lilang'amina lyobukumi bwibwe mu duke kusangala nobusangali ubunene.

Amalagano ku vagelizangwa

Vahebraina 2.18

Kigira mwene u saliye mu ligeridzwa, a veye netsingulu kukonya yava ava geridzwa.

Varomi 16.20

Nyasaye wemirembe a la syonola Setani isi wevirenge vyenyu kalunu ndi. Tsimbabasi tsyo Mwami wetu Yesu Kristo tsi venemwinye.

Zaburi 34.19

Avalungi va veye nevivi vinyngi; navutswa Yahova a mu honnyanga ku vyosi.

Isaya 43.2

Lwa u vita mmadzi manene, nda va halala nive; nomu migera, gyi fa vula kukwina; lwa u genda

mmuliru, u la vula kuhyu; kandi ulumemo lwomuliru si lu laaka ku ive.

Si li nyala kugwira mwinye ligeridzwa, lyomundu a ta nyala kwikudzira ku: navutswa Nyasaye a veye musuuvirifu, u ta nyala kumuleka mu geridzwe kuvita lya mu nyala kwikudzira ku: navutswa halala neligeridzwa a la lomba inzira yokuhona, mu duke kunyola tsingulu tsyokwiku-dzira.

—I Vakorintho 10.13

Varomi 8.28

Kandi ku manya vindu vyosi vi yinzira halala kuletera ava yanza Nyasaye ubulahi, kali yava ava langwa kuli ubulaliri bwibwe.

Likunula 21.7

Uyu u guuta a la lia vindu yivi; kandi nda va Nyasaye wewe, naye a la va mwana wange.

Likunula 3.5

Uyu u guutanga a la vikwa ndi tsingubo tsindavu; na inze si ndeya lieta lilye mba mu kitabu kyelivamwoyo, kandi ndeyama lieta lilye imbiri wa Dada wange, kandi imbiri wetsingelosi veve.

Likunula 3.12

Uyu u guutanga nda mu kola itiru mu litempeli lya Nyasaye wange, kandi si a la tsia kyova kandi mba: kandi nda ng'oda kuye lieta lya Nyasaye wange,

nelieta lyelidala lya Nyasaye wange, Yerusalem lihya, liikanga kutwula migulu ku Nyasaye wange, kandi nda ng'oda kuye lieta lyange, inze mwene, lihya.

Likunula 2.7

U veye noguntu, a hulire ga Roho a voleranga mavugano. Uyu u guutanga, nda mu ha a duke kulia agomusala gwelivamwoyo, gu veye mu Paradisio mwa Nyasaye.

Likunula 3.21

Uyu u guutanga, kuli inze nda guuta, nokwikala halala na Dada mu intebé, nda mu ha yikale halala na inze mu intebé yange.

Nyasaye Amolomanga ku kwinye kigira lyavukana

I Vakorintho 7.10, 11

Navutswa yava ava mali ku hilana, mba laga, kandi si a li inze, navutswa nu Mwami, Mukali a ta leka musatsa wewe (navutswa na a va na a twula a ta hilwa kandi mba, naho yirane ku musatsa wewe); kandi musatsa a ta kunga mukali wewe.

Kuvo vosi u kunga mukali wewe na a leta wundi a kola ubuheyi: naye u leta uyu wa kungwa ku musatsa a kola ubuheyi.

—Luka 16.18

Varomi 7.2, 3

Kigira mukali uyu suveye nomusatsa wewe, u boheywi

nelilaga ku musatsa inyinga a veye mwoyo; navutswa musatsa na a kudzi u bohololwi ku lilaga lyomusatsa. Kunangwa, uyu na a va nomusatsa wundi inyinga musatsa wewe a veye mwoyo, a la langwa muheyi, navutswa musatsa wewe na a kudza u bohololwi ku lilaga, kali musatsa wundi na a mu hila si a nyala kulangwa muheyi.

Matayo 5.32

Navutswa mmu volera, ku vosi u kunga mkali wewe kigira bu ta li ubuheyi, a mu kola muheyi; kandi ku vosi u li mkwa wa kungwa a kola ubuheyi.

Yohana 14.3

Kandi ni mba ni ntsia kumulombera ubugono, nzidza kandi, kandi nda mwingiridza inze mwene; ha mbeye inze, mwinye kandi mu ve ho.

Likunula 3.11

Nzidza bwangu: u gumire buditnyu kya u veye nakyo, a ta va ho mulala a hile itaji yoyo.

Marko 8.38

Ku vosi u vera inze tsisoni namakuva gange mu likula lyobuhesi yili nelyobwoni; Mwana wa Adamu a la mu vera tsisoni, lwa ali duka nobukumi bwa! Ise wewe netsingelosi vatakatifu.

Matayo 24.30

Kunangwa hene yaho ki la lokana migulu kilolekidzu kyo Mwana wa Adamu: ma tsihiri tsyosi tsyelirova tsi la lira, kandi va la lola Mwana wa Adamu yadza ku malesi gegulu netsingulu nobukumi bunene.

Yakobo 5.8

Na mwinye mwikudzire; mu luviridze myoyo gyenuy: kigira lidza lye Mwami li veye himbi.

Matayo 24.27

Kigira kuli luheni lu twula ivugwe na lu ng'ereng'ana madio-li; liduka lye Mwana wa Adamu li la va ndiyo.

Litsa lya kaviri lya Kristo

I Yohana 3.2

Avayanze, kalunu ku veye avana va Nyasaye, kandi ki kikiri kulolekidzwa kya ku la va, navutswa ku manya, lwa a li lolekidzwa ku la fwanana naye; kigira ku la mu lola kuli a veye.

Likunula 16.15

(Henza, inze nzidza kuli mwivi. A veye nobugasu u lindirira, nokulinda tsingubo tsitsye, gase a la genda kyahonyo, na va lole tsisoni tsitsye.)

Luka 12.40

Mwinye kandi mwetengeke: kigira Mwana wa Adamu a lidza inyanga ya mu ta ganagana.

Vikolwa 1.11

Ni va va volera, Mwinye avandu ve Galilaya, kigira ki mu singira mu henza migulu? Yesu uyu wingeridzeywi migulu kutwula ku mwinye, a lirana kandi kuli mwinye mu mu loli na a tsia migulu.

Matayo 16.27

Kigira Mwana wa Adamu a la kadze nobukumi bwa Ise wewe halala netsingelosi veve; hene yaho a la ha vandu vosi kuli wa va kola.

Luka 21.27

Hene yaho va la lola Mwana wa Adamu yadzira mu lilesi netsingulu nobukumi bunene.

Ling'ana lya Nyasaye

**Ligulu nelirova li la vita:
navutswa amakuva gange si
ga li vita mba.** -Luka 21.33

**Yesu ya tivula na a va vo-
lera, Mu kosanga, kigira si
mu manya mang'oda, kandi
tsingulu tsya Nyasaye.**

-Matayo 22.29

**Kigira ubuprofeti si bwa du-
kira ku bulaliri bwomundu:
navutswa vandu va twula ku
Nyasaye va vola aga Roho
Mutakatifu ya va tsuviridza.**

-II Petro 1.21

**Mang'oda gosi ga veye no-
mwika gwa Nyasaye, kandi
ga veye netsingulu mu lyegi-**

**dza, nomu lyeganehidza mu
ageligali, nomu lilungikidza,
nomu ligerihidza mu miyinzi
milahi gyosi.** -II Timoteo 3.16

**Mbiki makuva gogo mu mwo-
yo gwange, mbule kukukole-
ra ubwoni.** -Zaburi 119.11

**Likuva lilyo li veye itaya ye-
virenge vyange, na ubulavu
bwenzira yange.**

-Zaburi 119.105

**Ku makuva ga mmu laganga
mu vule kumeda ku, kinga
kugehidza ku, mu duke ku-
gumira malago ga Yahova
Nyasaye wenyu aga inze nda
mu laga.** -Kwidzulitsa 4.2

Published in numerous languages by World Missionary Press as God supplies funds in answer to prayer. If you would like more copies for careful distribution, please write in English to:

World Missionary Press, Inc.
P.O. Box 120
New Paris, Indiana 46553-0120 USA

Kenya

RAG

Text reprinted from the Bible in Luragoli by permission of United Bible Societies Africa Regional Centre, Nairobi, Kenya.

145 Luragoli HFA

12-97

